

中國方志叢書·華中地方·第八八五號

據

清·承霽修，社友棠、楊兆松纂
清同治十年刊本

影印

江 西 省

新建縣志

〔九〕

成文出版社有限公司印行

新建縣志卷之六十

人紀志 寓賢

開闢時有土有人土不滅人易亡子孫蕃族將大遂爲土
人去其鄉光遠而自他有耀者也異鄉之人愛此風土寓
而家焉易世亦爲土人春秋傳曰寓公後世言流寓者祖
之讀旄邱之章又令人感而嘆也中世士大夫以官爲家
歟則無所于歸寓者有之行客往來憩稅寓者亦有之矧
在西南當南北之交魚稻之鄉夙稱樂國寓斯土者非新建
之土而何亦或爲南昌人今所書書其賢云

五土而所來茲爲南昌人今視書書其贊云

西營南井之支魚酥之濃風酥樂園寓禮土非非殊裝
類似燕翅干誠寓書育之計客卦來應酥游亦亦之賦
之驚封泥文章大令人想而知此中州士大夫以官爲家
而家焉是州亦爲土人春月書曰寓公外州言寓書各賦
人主其際表意而自出亦賦書此異暇之人愛此風土寓
開闢部育土官人士不類人長于平斜番越深大遊爲土

人縣志

寓贊

豫章縣志卷之六十

新建縣志卷之六十

人紀 寓賢

周

澹臺滅明字子羽武城人狀貌甚惡欲事孔子孔子以爲材薄旣已受業退而修行行不由徑非公事不見卿大夫南游至江從弟子三百人士大夫識取子去就名施諸侯孔子聞之曰以貌取人失之子羽子貢曰貴之不喜賤之不怒苟於民利矣廉於其事上也以佐其下是澹臺滅明之行也

省志 府志 楊志

按子羽墓有三一在泰山南武城縣一在陳留襄氏
鄉一在豫章東湖上其中必有一悞宋程大昌友教
堂記云後世去古聖賢絕遠旣無所事畏亦無所有
諛而爭獵以自夸耀於是有一事而彼此互相同者
使人慕向如此無乃聖賢之澤久而不泯也歟其亦
民之秉彝無古今而好是懿德也歟則其僞也乃其
所以爲可尙也況今之疑未必非昔之信者歟今豫
章不獨有祠墓兼有澹臺門用仍舊志以弁寓賢之
首省志原賤

按子羽墓一在今蘇州澹臺湖旁

漢

羅珠高帝時從灌嬰定豫章有功德於民卒官子孫因家焉晉末有羅企生遵生今南昌柏林羅氏是其後也羅太史洪先家譜備述其事

南昌耆舊記

省志

按青嵐羅氏家譜所述珠事仕漢爲太農令家豫章溝後家柏林又省志以珠與曾據入人物類今定爲寓賢似得其實

曾據其先封鄆鄆亡去邑爲氏王莽亂據棄都鄉侯之豫

章家焉

王荊公集

省志

按曾據與羅珠林志安志俱不載白志補入

省志原

跋

按曾元四世孫樂爲漢都鄉侯至四世孫據遭莽亂始去都鄉而家豫章攷諸史記漢書皆不合漢甘露二年分宗室趙頃王之子景封爲都鄉侯至溱嗣免則據之飛遜亦不在莽世而都鄉早別封宗室矣又樂據姓名不見於年表此際似屬疑義世次太促歐陽永叔嘗辨之然曾王二公學識甚高必非杜撰附

識於此以俟博雅君子

舊存

鄧過漢建安末爲棠邑令弟遐襄郡太守以避亂自南

徙家豫章過子燦散騎常侍

省志

府志

鄧氏世系

集 鄧志

張遐字子遠餘汗人七歲日記萬言年十一通易大義堂

從徐穉過陳蕃郭泰在坐蕃問吳炳易太極炳曰太極

在混沌之時蒙昧未分老子謂一物混成先天地生是

也蕃然之又問遐遐曰易無定體強名太極太者至太

之謂極者至要之謂蓋言其理至太至要在混沌之中

一動而生陰陽陰陽者氣也所謂理生氣而氣寓夫理者也泰顧炳曰遐得之矣明廣陵李嗣京理豫章爲增木主於高士祠陳宏緒爲記

豫章書

豫章二祠記

三國

諸葛亮字孔明瑯琊陽都人漢司隸校尉諸葛豐後也父珪字君貢漢末爲泰山郡丞亮早孤從父元爲袁術所署豫章太守元將亮及亮弟均之官

三國蜀志本傳

劉基字敬輿東萊牟平人揚州刺史繇長子繇南保豫章病卒基年十四居喪盡禮後孫策西伐江夏還過豫章

收載繇喪厚遇其家基姿容美好孫權敬愛之

三國吳志

按張遐諸葛亮劉基舊志失載今採補

許劭字子將汝南平輿人少峻名節好人倫多所賞識司空楊彪辟舉方正敦樸皆不就或勸劭仕對曰方今小人道長王室將亂吾欲避地淮海以全老幼乃南到廣陵徐州刺史陶謙禮之甚厚劭不自安告其徒曰陶恭祖外慕聲名內非真正待我雖厚其勢必薄不如去之遂復投揚州刺史劉繇于曲阿其後陶謙果捕諸寓士及孫策平吳劭與繇南奔豫章而卒時年四十六兄虔

亦知名汝南人稱平輿淵有二龍焉

東漢書

省志

府志

郡志

按廣韻平輿之輿音預

存舊

六朝

鄭袤字林叔滎陽開封人高祖衆漢大司農父泰揚州刺史有高名袤少孤早有識鑒荀攸見之曰鄭公業爲不亡矣隨叔父渾避難江東時華歆爲豫章太守渾往依之歆素與泰厚撫養袤如己子年十七乃還鄉里景元初拜光祿大夫封密陵伯武帝踐阼進爵爲侯泰始中

詔拜司空固辭久之見許以侯就第拜儀同三司

晉書

省志 邸志

按省志景元初封密陵侯節省史傳之文非其實矣

今改正

存舊

許炎子肅汝南人避地南昌因家焉肅之子遜

豫章書 邸志

按省志許旌陽祖母萬氏墓在南昌許仙里有彈陂

塘中突起高阜者爲其葬處炎與肅墓不可識

存舊

范宣字宣子陳畱人也年十歲能誦詩書嘗以刀傷手捧

手改容人問痛邪答曰不足爲痛但受全之體而致毀

傷不可處耳家人以其年幼而異焉少尙隱遁加以好學手不釋卷以夜繼日遂博綜羣書尤善三禮家至貧儉躬耕供養親沒負土成墳廬于墓側太尉郗鑒命爲主簿詔徵太學博士散騎郎並不就家于豫章太守殷羨見宣茅茨不完欲爲改宅宣固辭之庾爰之以宣素貧加年荒疾疫厚餉給之宣又不受爰之問宣曰君博學通綜何以太儒宣曰漢興貴經術至於石渠之論實以儒爲弊正始以來世尙老莊逮晉之初競以裸裎爲高僕誠太儒然立不與易宣言談未嘗及老莊客有問

人生與憂俱生不知此語何出宣云出莊子至樂篇客
曰君言不讀老莊何由識此宣笑曰小時嘗一覽時人
莫之測也宣雖閒居屢空常以讀誦爲業譙國戴逵等
皆聞風宗仰自遠而至諷誦之聲有若齊魯太元中順
陽范甯爲豫章太守甯亦儒博通綜在郡立鄉校教授
恆數百人由是江州人士並好經學化二范之風也年
五十四卒著禮易論難皆行於世子輯厯郡守國子博
士大將軍從事中郎自免歸亦以講授爲事義熙中連
徵不至

晉書

省志

府志

楊志

邸志

謝鯤字幼輿陳國陽夏人也祖纘典農中郎將父衡以儒
素顯仕至國子祭酒鯤少知名通簡有高識不脩威儀
好老易能歌善鼓琴王衍嵇紹並奇之永興中長沙王
又入輔政時有疾鯤者言其將出奔又欲鞭之鯤解衣
就罰曾無忤容既舍之又無喜色太傅東海王越聞其
名辟爲掾任達不拘等坐家僮取官橐除名于時名士
王元阮修之徒並以鯤初登府便至黜辱爲之歎恨鯤
聞之方清歌鼓琴不以屑意莫不服其遠暢而恬於榮
辱鄰家高氏女有美色鯤嘗挑之女投梭折其兩齒時

人爲之語曰任達不已幼輿折齒鯢聞之傲然長嘯曰
猶不廢我嘯歌越尋更辟之轉參軍事鯢以時方多故
乃謝病去職避地于豫章

晉書 郗志

衛玠字叔寶河東安邑人年五歲風神秀異及長有盛名
辟命屢至皆不就久之爲太傅西閣祭酒拜太子洗馬
兄璩爲散騎侍郎內侍懷帝玠以天下大亂欲移家南
行母曰我不能舍仲寶去也玠啓諭深至爲門戶大計
母涕泣從之臨別玠謂兄曰在三之義人之所重今可
謂致身之日兄其勉之乃扶母輿轉至江夏玠妻先亡

征南將軍山簡以女妻焉遂進豫章是時王敦鎮豫章
長史謝鯤先雅重玠相見欣然言論彌日敦謂鯤曰昔
王輔嗣吐金聲於中朝此子復玉振於江表微言之緒
絕而復續不意永嘉之末復聞正始之音何平叔若在
當復絕倒玠嘗以人有不及可以情恕非意相干可以
理遣故終身不見喜愠之色以王敦豪爽不羣而好居
物上恐非忠臣求向建鄴京師人士聞其姿容觀者如
堵玠勞疾遂甚永嘉六年卒時年二十七時人謂玠被
看殺葬于南昌謝鯤哭之慟人問曰子有何恤而致斯